

Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfik
Direktoratet for Kultur, Uddannelse, Forskning og Kirke

Oqaaseqaat Notat

Uunga Til Inatsisartut Kultureqarnermut, Ilinniartitaanermut, Ilisimatusar- 24. oktober 2006
nermut Ilageeqarnermullu Ataatsimiititaliaat J.nr. 53.02.00-00002
Dok.nr.205446

Assinga uunga
Kopi til

Postboks 1029
3900 Nuuk
Oq/tel +299 34 50 00
Fax +299 32 20 73
Kiiip@gh.gl
www.nanoq.gl/kiiip

Kultureqarnermut Ilinniartitaanermullu Ataatsimiititaliap UKA 2006/42 pillugu 24.10.2006 isumasioqatigiilluni ataatsimiinnissamut tunngatillugu apeqqutaannut akissutit

Kultureqarnermut Ilinniartitaanermullu Ataatsimiititaliap UKA 2006, imm. 42-mi Ilisimatusarfik pillugu Inatsisartut inatsisaannik allannguutissatut siunnersuummut tunngatillugu apeqquaqarpoq. Apeqqutit naalakkersuisunut ilaasortamit isumasioqatigiilluni ataatsimiinnermi 24. oktober 2006 pisussami akeqquneqarput.

Nalinginnaasumik

Inatsisartut 2001-imi upernaakkut ataatsimiinnerminni (UPA 2001/31) Ilimmarfiup pilersinnissaa akuerimassuk, apeqqutit maanna Kultureqarnermut Ilinniartitaanermullu Ataatsimiititaliap saqqummiussai arlaqartut aalajangiinissamut tunngavilersuutini nassuiarneqarput, soorlu ilinniartitaanerit katigunnissaannut tunngasut. Taamaalilluni allannguutissatut siunnersuut tassaavoq, ataatsimut suliniutip "Ilimmarfiup" ilaa.

Ataatsimoortitsineq pitinnagu pisariaqarpoq ilinniartitaanerit inerisarnissaat, inatsisigitigut imminnut naleqquttunngortillugit. Naleqqussaaneq ilaatigut anguneqassaaq, ilinniartitaanerit suliamut sammisut ilinniagartuunngorniarluni bachelorinngorniartarnerni tunngaviusut assigisaannik naleqqussaannikkut.

Apeqquut 1.

*Inatsisissatut siunnersuutip aningaasaqarnikkut nassatassaanut tunngatillugu, Naalakkersuisunut ilaasortap ilaatigut tunngavilersuutigaa, siunnersuut "2007-imuinnaq sunniuteqartussatut takorloorneqartoq". Tassunga tunngatillugu ataatsimiititaliap makkua maluginiarpai: **inatsisissatut siunnersuut killeqanngitsumik atuuttussaasoq, Inatsisartut siunnessami inatsisissatut siunnersuutaasarumaartunut qanoq isummerumaarnerat ilisimaneqanngitsoq, ilinniartitaanikkut iluarsartuus-seqqinnerit** – inatsisissatut siunnersuummi pineqartut – imarisamikkut ukiumik*

*ataasiinnaanngitsumik sivisussuseqassasut, **kiisalu** siunissami inatsisiliortarnissaq pillugu isumaliutersuutit, Naalackersuisut siunissami inatsisissatut siunnersuutit/ilinniartitaanikkut iluarsartuusseqqinnerit tamakkiisumik aningaasaqarnikkut kinguneriumaagaannik nassuiaanissamut pisussaaffeqarnerat, atuuttuujunnarsinngimmassuk. Taamaammatt Ataatsimiititaliap ilinniartitaanikkut iluarsartuusseqqinnerup aningaasaqarnikkut nassatariumaagai pillugit apeqquteqaataat suli atuuppoq.*

Akissut:

Aningaasaqarneq: Ilinniartitsisunngorniartarnerup suliarnut sammisumik bachelorinngorniartarnermut allanngorneratigut erserpoq, taamatut allanngineq aningaasaliissutit pioreersut iluanni pisinnaasoq. Siunnersuummut oqaaseqaatit inussiarnersumik takoqquneqarput.

Annertusisamik ilinniartitaanerit pillugit inatsisissatut siunnersuut: Kalaallit Nunaanni annertusisamik ilinniartitaanerit pillugit inatsisissamik siunnersuusiorneq KIIP-imi ingerlanneqarpoq. Annertusisamik ilinniartitaanerit pillugit inatsisissatut siunnersuutikkut annertusisamik ilinniartitaanerit aqutarinerat imarisaallu ataatsimoorusamik sinaakkuserniarneqarput. Suliaq tamanna 2007-imi naammassissasoq ilimagineqarpoq. Naalackersuisut ilimagaat annertusisamik ilinniartitaanerit pillugit inatsisissatut siunnersuut Inatsisartunut saqqummiunneqassasoq 2007-imi ukiakut ataatsimiinnermi. Naalackersuisut kissaatigaat inatsisiliordermi tassanissaaq aallaavigineqassasut ilinniartitsisussanik suliarnut sammisumik bachelorinngortitsiniarluni ilinniartitaanermit misilittakkat – aningaasaliussat pioreersut iluanni.

Apeqqut 2.

Naalackersuisut inatsisissatut siunnersuut saqqummiuppaat "ilinniartitaanerit pineqartut ilisimatusarfimmut attuumassuteqartuunerisa inatsisiliordernikkut sinaakkutigisassaata pisariaqartut pilersikkumallugit aamma ilisimatusarfiup ilinniartunik ilinnigartuutut allagartaartitsisinnaanissaa piaarnerpaamik ersarissumik inatsisitigut tunngavissikkumallugu (...)". Kisianni naalackersuisunut ilaasortap allagai tunngavigalugit Ataatsimiititaliap maluginiarpaq, professionsbacheloritut ilinniartitsinerit piviusunngortinniarnert aallartereersimasoq. Taamaammatt Ataatsimiititaliap erseqqissumik akeqquaa, ilinniartitaanikkut iluarsartuusseqqinneq, inatsisilik atuutunik tunngaveqarani aallartinneqarsimanersoq.

Akissut:

Professionsbacheloritut ilinniakkat aallartereersut makkunanga inatsisitigut tunngaveqarput:

- Ilinniartitsisunngorniarnertut inatsisitigut tunngavigineqarpoq Meeqqat atuarfianni ilinniartitsisussatut ilinniartitaaneq pillugu Inatsisartut peqqussutaanni nr. 2-mi, 2. maj 1996-imeersumi § 17. Ilinniartitaanerup aqqisugaanera juni 2005-imi KIIP-imit akuerineqarpoq.
- Inunnik isumaginninnermi siunnersortinngorniarnertut inatsisitigut tunngavigineqarput Inatsisartut peqqussutaanni 10/1996-imi § 18, imm. 2 aamma § 25, imm. 3. Ilinniartitaanerup aqqisugaanera april 2006-imi KIIP-imit akuerineqarpoq.

- Peqqissaasunngorniarnermut inatsisitigut tunngavigineqarpoq Inatsisartut peqqussutaanni 7/1999-imi, § 5. Ilinniartitaanerup aqqissugaanera juni 2006-imi KIIP-imit akuerineqarpoq.

Tusagassiorunngorniarnermut tunngatillugu ilinniartitaanerup aqqissugaanera nutaaq suliarineqassamaarpoq.

Apeqqu 3.

Ataatsimiititaliaq isumaqarpoq suli ersarissisinneqanngitsoq, ilumut professionsbachelorinngorniarnarluni ilinniartitaanerit ilisimatusarnermik tunngaveqassanersut, ima paasillugu ilinniartitsineq ilisimatusarnikkut suliaqartunik piginnaaneqartunillu isumagineqarluni. Ataatsimiititaliap apeqqu taanna ilinniartitaaneq pillugu politikkikkut aalajangiinissamut tunngavissatut pingaarutilittut isigaa, taamaammallu erseqqissaavigineqarnissaa kissaatigalugu, assersuutigalugu ersarissunik missiliunerugaluarlutik procentiliinikkut.

Akissut:

Bacheloritut ilinniarnert aamma suliamut sammisumik bacheloritut ilinniarnert ataatsimik pingaaruteqartumilli assigiinngissuteqarput.

Bacheloritut ilinniarneq atuagarsorluni ilinniarnervuq, kandidatinnngorniarnarluni ilinniarnermik malitseqarsinnaasoq. Ilinniakkat taakkua tassaapput nalinginnaasumik ilinniagartuunngorniarnarluni ilinniarnert. Suliamut sammisumik bacheloritut ilinniarnert atuagarsornermik suliamillu sungiusarnermik imaqarput, nalinginnaalluni ukiup affaa suliamik sungiusartoqartarnera. Ilinniartitaanerit siunertaraat aalajangersimasumik suliaqalernissaq, soorlu ilinniartitsisutut peqqissaasutulluunniit. Ilinniartitaanerit taakkua suliamut tunngasuunerupput, kisiannili suliaq pillugu ilisimatusarneq tunngavigalugu.

Suliamut sammisumik bacheloritut ilinniarnermut ilisarnaqutaavoq, ilinniartitsisut atuagarsornermi ilinniartitsisuusut ataatsimut isigalugit, ilinniakkamik angusinissamut piunasaqaataasunit qaffasinnerusunik piginnaasaqartuunissaat. Tamannalu ima paasineqassaaq ilinniartitsisinnaanermik misillitagaqarnerup saniatigut aamma uppersaasikkamik piginnaasaqarfigisariaqaraat isummat tunngaviusut pillugit ilisimasariaqakkat aamma suliamut tunngatillugu ilisimatusarnikkut aamma/imaluunniit suliamik piginnaasaqarnikkut ilisimasassat. Sungiusarluni sulinerup nalaani ilinniartitsisut ilitsersuisullu, ilinniartitsinermik piginnaasaqarnermik saniatigut aamma atuagarsornermut suliamullu tunngasutigut piginnaasaqartuussapput.

Ilisimatusarnermik tunngaveqartitsineq **imaanngilaq** ilinniartitsineq **tamarmi** ilisimatuunniit ingerlanneqassasoq. Soorluuna oqaaseq "ilisimatusarnermik tunngaveqartoq" isumaa qaangerujussuarlugu sunniuteqalersimasoq. Ilisimatusarfik (universitet) tassaavoq ilisimatusarnermik ingerlatsivik, tassanilu ilinniartitaanerit ilisimatusarnermik tunngaveqarput. Imaappoq ilisimatusarnikkut paasisat ilinniartitaanerit inerisarnerinut atorneqartarput, ilisimatuullu misillitagaat ilinniartunit iluaqutigineqartarlutik, ilisimatuut ilaasa ilinniartitsisuujuutigunerat pissutigalugu. Ilutigisaanik ilisimatusartut inunnuat ulluinnarni suliamik ingerlataqartunut qaninnerulersarput.

Ilimmarfik pillugu aalajangiinissamut tunngavigisassat eqikkarneranni sunniuteqatigiissitsinissaq eqaannerusumillu aaqjissuussinnaaneq innersuunneqarpoq, imannallu erseqqissarneqarluni:

” Ilinniartitsisup ataatsip ilinniarfimmi ataatsimi atuartitseriarluni allami atuartitsisarneranut paarlaallugu, atuartitsissutissat ataatsimoorussat katigunneqarsinnaapput ...ilinniakkani ilaatinneqartuni tamani. Tamanna nukissanik atuinikkut iluaqutisartaqarpoq, marloriaammik sulisarnerit pinngitsoornerisigut taamaalillunilu ilinniartitsisunut tiimit sipaarneqarnerisigut.”

Apeqqu 4.

*Aammattaaq Naalakkersuisunut Ilaasortap allakkamini eqqaavaa, ”Nutaatut atuutilissaaq ilinniagartuujunngikkaluarluni Ilisimatusarfimmi ilinniartitsisutut atorfiit pilersinneqarsinnaalernerat”. Ataatsimiititaliap paasiumavaa tamatuma nassatarissane-
raa, ilinniagartuutut ilinniakkani ilinniartut siunissami ilinniagartuujunngitsunik ilinniartinneqarsinnaalernissaat.*

Akissut:

Ilinniagartuutut ilinniakkani nalinginnarni (bacheloritut, kandidatitut aamma Ph.d.-tut ilinniakkani) allannguisoqassanngilaq. Taakkunani ilinniagartuunnarnik ilinniartitsisoqartuassaaq. Tak. apeqqu 3-mut akissut.

Apeqqu 5.

Ataatsimiititaliap ilaatigut maluginiarpa ilinniartitaanermi aaqjissuussineq nutaaq naaportorlugu ilinniartunik 2009 sioqqullugu naammassisoqartussanngitsoq, aamma aningaasartuutaasussanik 2007-imi aallartitsinissaq pilersaarutigineqanngitsoq. Inatsisissatut siunnersuut saqqummiunneqartoq maanna – ilaatigut Ilisimatusarfiup nangaanartoqartitai suli aaqqiivigineqanngitsut - akuersissutigineqanngitsuussappat 2007-imit sutigut ersarissunik nassataqassava? Ilinniartitaanikkut aaqjissuussinerup nutaap inatsisitigut naleqqussarnissaa pitinnagu, Ilisimatusarfik pillugu inatsisissatut nutaatut siunnersuutip – Naalakkersuisut 2007-imi Inatsisarut ukiakkut ataatsimiinneranni saqqummiutilersaagaata - aalajangiunnissaanut tunngavissat utaqeqqaarnissaat Naalakkersuisut piareersimaffigaat?

Akissut:

Suliamut sammisumik bachelorinnngorniartarneq pillugu Ilisimatusarfiup nangaanartoqartitaanut tunngatillugu erseqqissarneqassaaq, allannguutissatut siunnersuut saqqummiunneqartoq aqutigalugu Ilisimatusarfik periarfissinneqassamat, ilinniartitaanerit imarisamikkut ilutsimikkullu ataqatigiinnerinik qularnaarinissamat. Taamaamat allannguutissatut siunnersuutip maanna saqqummiunneqartup kinguartinneqarnerata nassatarissavaa, Ilimmarfiup ataani annertusisamik ilinniartitaanerit pisariaqartumik ataatsimoortilerlugillu ataqatigiissarnissaasa kinguaattoornerat. Ilimmarfiup sananeqarnera 2007-ip naalernerani naammassissasoq ilimagineqarpoq. Annertusisamik ilinniartitaanerni nukissat pitsaanerpaamik atornissaat, sunneqatigiinnissaq pitsaassutsillu qularnaarnissaa eqqarsaatigalugit allannguutissatut siunnersuutip pineqartup akuersissutigineqarnissaa kinguartinneqarsinnaanngilaq.

Ikinngutinnersumik inuulluaqqusillunga

Doris Jakobsen
Naalakkersuisunut ilaasortaq